



**Crna Gora  
Ministarstvo vanjskih poslova**

**P R E D L O G**

**Br.**

**Podgorica, 8. novembar 2021.**

***PLATFORAMA***

***za učešće ministra vanjskih poslova Crne Gore Đorđa Radulovića na neformalnom sastanku ministara vanjskih poslova učesnica Procesa saradnje u jugoistočnoj Evropi (SEECP), Brisel, 15. novembar 2021. i na događaju „Diskusija o budućnosti Evrope – Perspektive i doprinos zapadnog Balkana“, Briž, 15. novembar 2021.***

*Ministar vanjskih poslova Đorđe Radulović učestvovaće 15. novembra 2021. u Briselu na neformalnom sastanku ministara vanjskih poslova učesnica Procesa saradnje u jugoistočnoj Evropi (SEECP), na poziv Nikosa Dendijasa, ministra vanjskih poslova Grčke, koja je aktuelna predsjedavajuća SEECP-u*

Proces saradnje u Jugoistočnoj Evropi je regionalni okvir saradnje osnovan juna 1996. godine, sa ciljem promovisanja i jačanja dobrosusjedskih odnosa između zemalja jugoistočne Evrope. Učesnice SEECP-a su: Albanija, Bosna i Hercegovina, Bugarska, Crna Gora, Grčka, Hrvatska, Kosovo, Moldavija, Rumunija, Sjeverna Makedonija, Slovenija, Srbija i Turska. Crna Gora je učesnica inicijative od 2007. godine.

Primarni cilj SEECP-a je jačanje dobrosusjedskih odnosa među državama regiona, kao i saradnja u oblastima bezbjednosti i stabilnosti, ekonomije, pravosuđa i unutrašnjih poslova, borbe protiv korupcije i organizovanog kriminala i promovisanje socijalne i kulturne saradnje.

**Značaj učešća**

Neformalni sastanak ministara vanjskih poslova učesnica SEECP-a je prvi sastanak na nivou šefova diplomatijskih službi koji se održava od početka grčkog predsjedavanja SEECP-u. Sastanak će biti prilika za predstavljanje prioriteta predsjedavanja Grčke i planiranih aktivnosti u okviru predsjedavanja, kao i razmjenu mišljenja o daljim koracima na planu započetih regionalnih projekata u okviru SEECP-a, te nastavka jačanja regionalne saradnje i dijaloga. Poseban akcenat biće stavljen na teme koje je grčko predsjedavanje izdvojilo kao prioritetne: unapređenje bezbjednosne saradnje, razmjena najboljih praksi na planu funkcionisanja demokratskih institucija, vladavine prava i ljudskih prava, posebno u

kontekstu evropske perspektive zemalja jugoistočne Evrope, povezanost i održivi razvoj, saradnja u oblastima investicija, konkurentnosti i mobilnosti, rješavanje ekoloških problema, promocija održivog, pravičnog i zelenog rasta, te adresiranje pandemije Covid-19 i njenih socioekonomskih posljedica.

Učešće na sastanku ima poseban značaj u svjetlu činjenice da je Crna Gora, kao naredna predsjedavajuća SEECP-u (jul 2022-jul 2023) dio Trojka formata SEECP-a, od kojeg se očekuje da asistira aktuelnom predsjedavanju u koordinaciji i obezbeđivanju kontinuiteta političkih i projektnih ciljeva i rezultata.

#### Događaj „Diskusija o budućnosti Evrope – Perspektive i doprinos zapadnog Balkana“

Na poziv bivše visoke predstavnice Evropske unije za vanjsku i bezbjednosnu politiku, a sada rektorke Koledža Evrope Federike Mogherini, ministar vanjskih poslova Đorđe Radulović će učestvovati na događaju pod nazivom „Diskusija o budućnosti Evrope – Perspektive i doprinos zapadnog Balkana“, koji se održava 15. novembra 2021. u Brižu. Ovaj događaj predstavlja priliku za širu i inkluzivnu debatu o evropskoj integraciji zapadnog Balkana, kao i o budućem razvoju Evropske unije.

#### Sastav delegacije

Delegaciju Crne Gore će predvoditi ministar vanjskih poslova Đorđe Radulović, a u delegaciji će biti:

- Damir Šabanović, prvi sekretar u Kabinetu ministra.

#### Predlog zaključaka

1. Vlada Crne Gore na sjednici od \_\_\_\_\_ 2021, razmotrila je i utvrdila Predlog platforme za učešće ministra vanjskih poslova Crne Gore Đorđe Radulovića na neformalnom sastanku ministara vanjskih poslova učesnica Procesa saradnje u jugoistočnoj Evropi (SEECP), Brisel, 15. novembar 2021. i na događaju „Diskusija o budućnosti Evrope – Perspektive i doprinos zapadnog Balkana“, Briž, 15. novembar 2021.
2. Vlada je odredila članove delegacije koju će predvoditi ministar vanjskih poslova Đorđe Radulović, a u delegaciji će biti:
  - Damir Šabanović, prvi sekretar u Kabinetu ministra.

Troškove posjete delegacije Briselu snosi Ministarstvo vanjskih poslova Crne Gore.